

鄒氏聯珠集

邵氏聯珠集

松年



昭文邵氏聯珠集序

丙午春

春

昭文邵氏聯珠集序

炳蘭於道光丙午春得識沐生宮贊於濟南書院嵇春  
原山長座中迄今十有八年矣同治壬戌宮贊避兵不  
夜朝夕過從寄情詩酒相聚未及一載彼此唱酬不下  
百餘篇炳蘭與宮贊既同鄉里又同嗜好當此離亂之  
時相遇於數千里外不覺其情之倍相親矣並承示君  
家昭文邵氏聯珠集一冊知其曾祖行亶承庶常兄弟  
等五人皆以詩文鳴亶承庶常有凝道堂集叔山編修  
有玉芝堂集松阿中翰有隱几山房集閻谷太守有聊  
存草扞山明經有樂陶閣集珠聯璧合華萼相輝真不

啻竇氏聯珠集也炳蘭於嘉慶壬申卽於穀人師處見  
叔山編修玉芝堂駢體文嘆其宏博典麗驚才絕豔洵  
一時颺拜賡歌和聲鳴盛之文何怪其於近代八家四  
六中高置一座也乎聞其昆弟五人中詩文皆臻絕詣  
而松阿中翰著述尤爲繁富迺宮贊從子繼之之高祖  
也宮贊堂兄兆熊早卒堂嫂王孺人以貞女守節乃立  
繼之茂才爲嗣子繼之茂才不忘本原手錄此冊如數  
家珍可不謂克家之賢孫子乎夫世之才子不必皆出  
於一姓卽出於一姓矣未必皆有能文之名或竟能文  
矣又必不如是之多若河東三鳳陸氏二龍已不可多



得今昭文邵氏則人各有集集皆可傳吾謂傳人固不易得而傳人之子孫能傳其祖考之著作以垂裕後昆尤不易得宮贊賢竹林茂才賢昆玉家學淵源克繩祖武世繼書香從此三珠雙璧繩繩繼繼於無窮又何患君家無續聯珠之刻乎則又炳蘭所跂予望之者矣時

維

同治二年歲在癸亥立夏前一日茶坪丹徒後學章炳蘭頓首拜序

昭文邵氏聯珠集總目

凝道堂古今體詩三十七首

玉芝堂古今體詩六十八首

隱几山房古今體詩八十首

聊存草古今體詩五十二首

樂陶閣古今體詩三十首

炎宋之初燕山竇氏並躋通顯人豔稱之乃有唐京  
兆竇氏已開其先且一門風雅事異積薪蓋造化鍾  
毓之奇有巧爲蒼萃於一家者于以歎元愷八士之  
競爽於古非虛美也予家先世發祥於休陽黎水

國初若水公始遷琴川縣分而爲邑人高祖鄂庭公  
博洽羣籍未與選造義方之訓詒燕勤斯曾伯祖庶  
常亶承公太史叔山公會祖中翰方虎公會叔祖太  
守闇谷公明經抃山公咸繼承弓冶賢而有文抃山  
公甫壯卽世諸昆於 高宗朝先後登館閣與大興  
竹均學士石君相國才望同爲當代歆慕所謂北朱  
南邵者也太史中翰兩公著作尤富又有合於昔人  
三筆六詩之目於乎盛矣淵耀少而向學善病淡於  
祿仕爾來躬撻沈痼景薄桑榆深懼沒世無聞世德  
湮廢爰命孫子震亨編纂是集竊比昔賢繕錄成帙

家以俟流布通都抑自從祖麗水令元直公以降諸父  
君兄弟內而房闈女士操觚染翰代不乏人欲仿上邨  
市舅氏鮑家詩例甄綜一家之言用備藝苑佳話庶與  
子江左烏衣王氏人人有集輝映古今是則願言而未  
逮焉

咸豐六年歲在柔兆執徐九月壬辰曾孫淵耀謹識

參校姓氏萬成萬成字子實始遷於休甯所居有水曰

黎顧其翰鑑堂陽村萬成生瑞真瑞真生邦正邦正生

太顧太翊南崖仁興仁生文貴文貴生溇溇生勛勳生

俊吳慶增修來



蔣鶴齡引之

地屬蘇州府分而為邑人高祖

與選造義方之訓詒燕勸浙會伯祖庶

史叔山公會祖中翰方虎公會叔祖太

公明經林山公成德承子治賢而有文林山

六弄遺孫采芬翁氏王孫會經關

士石君相國才同翁世代

王并大人齊集

一宋之奇歐謝

士劉康突

元直公

家兄詩文序略

君諱齊烈字亶承姓邵氏先世在唐貞元居杭州之北  
市者曰喜無子弟吏部侍郎說有二子長好義官博士  
子孫居共城河南邵氏其後也次好禮爲喜後好禮生  
祿祿生德元咸通中遷於睦州德元生康康生靖靖生  
清清生顯顯遷於歙居貴溪顯生約約生世世生顏顏  
生清溪公萬成萬成字子實始遷於休甯所居有水曰  
黎川其村曰黎陽村萬成生瑞真瑞真生邦正邦正生  
太明太明生興仁興仁生文貴文貴生涇涇生勳勳生  
俊俊生亭亭生瀄瀄生社付社付生得名得名生鐵關

鐵關生景富景富生玘玘生椿椿生萬鎰萬鎰生存養  
公諱繼善自存養公以上皆居黎陽存養公生若水公  
諱嘉祚始遷於常熟自喜至德元凡四世而遷於睦自  
德元至顯凡五世而遷於歙自顯至清溪公凡五世而  
遷於休甯自清溪公至若水公凡二十世而遷於常熟  
雍正中析常熟爲昭文今爲昭文縣人也君之高祖卽  
若水公會祖庸齋公諱 祖莊庵公諱 府君諱  
君性甯靜略於世事與物落落不妄交納亦不爲崖  
異絕俗能飲酒以酒自適常獨飲號諱交爭非所樂也  
與人飲未嘗醉失容或時羣居衆皆放浪喧笑狎侮爭

詢喜怒百出獨君默默無所酬接初識君者皆以爲城  
府深阻不可測及與久處始知其渾厚坦易不以形迹  
爲親疎也幼嗜墳籍博覽好奇捃摭殘逸惟恐不及爲  
詩文從容和平溫潤深厚如其人在翰林時所作詩賦  
清新雅麗必澤於古非苟且牽率以愚一時耳目者特  
其平生謙退自視常若不能其視人雖才出己下者亦  
自以爲弗如故每有所作非雅所心折忘形骸者未嘗  
一出示人人亦遂無知者始君十五六時工制舉業試  
郡數失利年二十一爲博士弟子明年丙辰今天子  
卽位改元特開恩科君舉於鄉又十年乙丑成進士授



翰林院庶吉士踰年卒於京師嗚呼邵氏自唐吏部以  
來千餘年間子姓繁衍在河南者有大儒曰康節先生  
顯於宋而黎陽之邵世以醇德相承禮教信義被於鄉  
閭潛而弗耀未嘗顯聞當世自我莊庵府君少爲邑諸  
生始欲以文學鳴無祿早世 大人自以幼孤露終鮮  
兄弟日夜自痛思竟先志顧久躡場屋及君既就塾遂  
絕意進取屬望來者而君爲長子所以訓誨期勉之尤  
至君亦深自刻苦肆力文字冀光大世緒爲高堂歡數  
試不遇每見儕輩中失意者多仇怒當事側目勝己必  
恣睢詆訐以快其意君不稍附和內獨憤鬱自以所業

未至益自磨礪嗚呼此豈汲汲然欲苟取富貴以榮其  
身者哉屢黜益奮卒成其名可謂艱矣稟命不融中道  
夭歿嗚呼豈不痛哉豈不惜哉君生於康熙五十三年  
甲午十一月九日卒於乾隆十一年丙寅六月三日春  
秋三十有三遺文散佚十不存一今所撰者詩若干首  
賦三首雜文九首多在翰林時作  
乾隆十六年辛未五月望日弟齊燾述



凝道堂集

昭文邵齊烈直承著

秋夜喜雨

連旬苦旱屈初秋忽聽風雷迴  
破愁數點已舒三伏涸  
終宵且釋萬家憂  
桔槔暫息聲停響  
秔稌今看望有收  
應是上天垂軫恤  
還教膏澤及時流

清明

嫩綠天紅滿  
目前偶來郭外興  
悠然一年景物隨時好  
三月風光到處妍  
畫舫歌聲飄遠韻  
山家新火起寒烟  
歸途樂事尤堪說  
笑看花間醉客眠



楊守創聘于錢未娶守創寢疾病赴女氏使女往

視之至既彌留矣不能言目之女曰未卒養于親

乎妾在慙終乃志遂矢之曰所有他者非我也乃

瞑越翼日且斂心尙暖女曰是我疑也出所具嫁

備焚于柩次請于父母而慰之歸楊邵齊烈曰錢

氏貞女也身既許人不貳其身可謂難矣體夫志

事其舅姑可謂孝矣周南有之曰赳赳武夫公侯

干城夫氏女子也貞且孝其義之干城乎爲詩以

賡之守創居城東魯士之子年二十餘雍正甲寅

月日卒錢氏某之女年 字楊氏十有一年其